




USuku lweNkululeko

Connie Makgabo


Sibusiso Khumalo



Lapha eNingizimu Afrika uSuku lweNkululeko
zingama-27 kuMbasa luyiholide.

Le ndaba ixoxa ngalo lolu suku.

Uzofunda ngomlando walo nokuthi kungani
lubalulekile.



Ngonyaka we-1994 mhla zingamashumi amabili nesikhombisa kuMbasa iNingizimu Afrika yathola inkululeko.

Abantu abansundu bavota okokuqala okhethweni lwentando yeningi.

Sagubha ukuphela kobandlululo nokuqala kombuso wentando yeningi.



Umbuso wentando yeningi uhlelo oluvumela noma ngubani onobudala obufanele ukuvota.

Abantu bavota okhethweni ukuze bakhethe abaholi kanye nohulumeni.

Ngesikhathi sobandlululo, uhulumeni waseNingizimu Afrika wayengabavumeli abantu abansundu ukuba bavote.



Amaqhawwe amaningi ayelwa nobandlululo alwa nalo hulumeni.

UNelson Mandela nguyena oyiqhawwe elaziwayo elalwela inkululeko. Walwela amalungelo alinganayo kuwo wonke umuntu waseNingizimu Afrika.


Ngenxa yokulwela amalungelo abantu umbuso wobandlululo wamvalela ejele iminyaka engamashumi amabili nesikhombisa.



Mhla zingamashumi amabili nesikhombisa kuMbasa ngonyaka we-1994, abantu baseNingizimu Afrika babemi emigqeni okukoqala kuzo zonke izikhungo zokuvota ezweni lonke.

Isikhungo sokuvota yindawo lapho abantu bevota khona.

Uma sivota sikhetha abantu esifuna babe abaholi bombuso.




Bonke abantu babekujabulele ukuvota okokuqala bevotele uhulumeni wentando yeningi.

Imigqa yayilokhu yeluleka nje.

Ilanga laliqhubeka nokushisa.

Kodwa bonke abantu babejabule ngoba babezizwa bekhululekile.




U-Nelson Mandela wayejabula kakhulu uma ekhumbula lolu suku.

Wayengakhohlwa abantu bemi imigqa emide ezitaladini.

Wayekhumbula abantu abaningi belinde ukuvota okokuqala ngqa okhethweni olukhululekile.

Wayehlale njalo elukhumbula lolu suku.



Wonke umuntu waseNingizimu Afrika oneminyaka eyi-18 nangaphezulu wayevumelekile ukuvota.

Ezweni lonke, sasimi emigqeni ngesineke silinde ukungena ezikhungweni zokuvota.

Sama kwaze kwahlwa silindele ukuthi wonke umuntu osemgqeni avote.



Zathi zingavalwa izikhungo zokuvota kwase kuqala ukubalwa kwamavoti.

Kwase kuyisikhathi sokuthola ukuthi abantu bafuna iNingizimu Afrika iholwe ngubani.


Kwavota abantu abalinganiselwa kuzigidi ezingamashumi amabili bevotele uhulumeni omusha.



Iqembu elathola amavoti amaningi kwaba i-ANC.

Iyona eyanqoba ukhetho lokuqala lwentando yeningi ihamba phambili.

U-Nelson Mandela owaye ngumholi we-ANC waba nguMongameli wokuqala wombuso wentando yeningi eNingizimu Afrika.



Uhulumeni omusha wamisa lolu suku lomhla
zingamashumi amabili nesikhombisa kuMbasa lwaba
yiholide ukuze abantu baseNingizimu Afrika
balukhumbule minyaka yonke.

Sikhumbula ukuzuza umbuso wentando yeningi
nemithetho emisha.


Lolu suku silugubha ngokubuthana ezinkundleni
zemidlalo emicimbini ekhethekile. Silugubha ngomculo,
izinkondlo nezinkulumo.



Siphinde sihloniphe namaqhawe ethu alwela inkululeko.

Sigubhe nokuqedwa kobandlulo nokuthi wonke umuntu unelungelo lokuvota.

Sithembisa ukuqinisekisa ukuthi wonke umuntu uyalingana futhi ukhululekile. Lowo ngumbuso wentando yabantu.



Ukhetho eNingizimu Afrika luhlelwa yinhlangano ezimele i-*Independent Electoral Commission (IEC)*.

Le nhlangano iyona eqinisekisa ukuthi ukhetho “lukhulekile futhi luhamba ngendlela eyiyo.” Ngabe ucabanga ukuthi kusho ukuthini lokho?

Funda kabanzi nge-*Independent Electoral Commission* (ungafunda okuningi ngabo kuyi website yabo).

—Imibuzo

1. Kwenzekani eNingizimu Afrika mhla zingamashumi amabili nesikhombisa kuMbaso ngonyaka we-1994?
2. Ngubani ovumeleke ukuvota embusweni wentando yeningi?
3. Kungani umhla zingamashumi amabili nesikhombisa kuMbaso uwusuku oluyiholide?
4. Yini umbuso wentando yeningi?
5. Ngubani umongameli wokuqala wombuso wentando yeningi eNingizimu Afrika?
6. Kusho ukuthini ukuba 'namalungelo alinganayo'?
7. Yiziphi izinto ongakhululekile ukuzenza esikoleni sakho? Kungani?
8. Ngaphandle kokuhlela ukhetho, yimuphi omunye umsebenzi owenziwa yiKhomishane Yokhetho Ezimele?

—Izincwadi ezikulolu chungechunge

- USuku lweNkululeko
- USuku lwamaGugu
- USuku lwamaLungelo Abantu
- USuku lokuBuyisana
- USuku lwaBesifazane
- USuku lwaBasebenzi
- USuku lweNtsha

Le ncwadi ibhalwe ngolimi lweSepedi
njengenywe yezinsiza zokufunda zeprojekthi
yeZenex Ulwazi Lwethu ngonyaka wezi-2020.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

The Ulwazi Lwethu readers and storybooks have been quality assured and approved by DBE.

Your attribution should include the following:

Title: USuku lweNkululeko

Author/s: Connie Makgabo

Translator/s: Zanele Ndlovu

Illustrator/s: Sibusiso Khumalo

Assurer/s: Zanele Zuma

Language: isiZulu



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

